



雲南鄉試錄

恩科

乾隆五十九年甲寅



雲南鄉試錄序

乾隆五十有九年歲甲寅

天子特舉

恩科鄉試禮臣以雲南考官請奉

旨命臣馮兆岫偕臣陳希曾往司其事伏念臣河汾

下士學識疎庸由乾隆四十五年進士引

見蒙

恩以至事用分派刑部行走游陞員外郎猥以禱昧

得睹祥刑勉思析律未効涓埃迺蒙

格外鴻慈畀以掄才重任撫躬循省感悚難名臣兆
恩以峒駢駢戒程如期抵境維時監臨則護理雲南
良崇巡撫臣費淳提調則鹽法道臣顏檢監試則楚
雄府知府臣史積容內簾監試則署武定直隸
首命州事晉寧州知州臣王序端敬慎將事內外肅
恩以清爰進雲南學政臣李傳熊所錄士二千九百
天子有奇扃闈而三試之臣兆响偕臣陳希曾率同
考官署澂江府新興州事曲靖府同知臣熊爵
勳准陞廣西直隸州知州昭通府永善縣知縣

臣邵倫清雲南府嵩明州知州臣周理澂江府
江川縣知縣臣周召署武定直隸州元謀縣事
羅次縣知縣臣李發源雲南府宜良縣知縣臣
李書吉廣西直隸州師宗縣知縣臣鄒軾署麗
江府麗江縣事浪穹縣知縣臣胡飛熊等矢慎
矢公悉心校閱得士如額擇其文尤雅者十四
篇繕呈

之覽臣例得颺言簡端臣聞文運之隆翊乎世運故
有黼黻鴻猷頌揚盛美麟麟炳炳陳懿鑠而襄

景邛非貌爲襲也

濬哲在御至教爲昭經學昌明人材輩出蔚若霞蒸
湧如泉醴其興也不擇地而其發爲言也類皆
光昌而廣大肆外而閎中故觀所爲文而知其
化之成焉柳宗元曰本之易以求其動本之書
以求其質本之詩以求其恆本之禮以求其宜
本之春秋以求其斷蓋取精若斯之宏也是以
古人之文氣旨深醇機神益溢渾渾然而來汨
汨然而去訕然而止不苟務聲音誇采色以爲

能而其味悠然而長其光黝然而幽至於援引
經語或增之或減之或竄易之或以意逆之或
斷章取之往往不全用元文而論者必推爲尊
經之言奉爲窮經之準蓋惟理足而氣充耳然
則文之體制可思已我

國家重熙累洽厚澤深仁百五十餘年

皇上右文稽古惟日孜孜

說經之文彌綸宇宙而

訓迪士子者惟以清真雅正爲諄諄務崇五經實學

詔鄉會試輪試一週後卽經試一義以收通經之用
今歲

特舉

恩科適值鄉試五經並試之始海宇喁喁家弦戶誦
人思被濯以究全經蓋合溫柔敦厚疎通知遠
潔靜精微恭儉莊敬屬辭比事之教而一以貫
之

聖天子所以恆久道而遐作人者其在斯乎滇中士
風樸厚際茲

文教誕敷淪肌浹髓懷鉛握槧之士莫不湛深經術

蔚爲國華臣仰承

恩遇彌切冰競凡茲取士之方悉準明刑之素錯於
理者弗錄偏於法者弗錄誦於情節於詞嚴於
氣者弗錄寧嚴毋濫寧嚴毋寬惟期滄珠無遺
藁本不混登斯選者尙其篤志慎修以仰副

聖天子樂育人材崇尙經學之至意是則臣區區之
忱所願與多士交相勉勵者耳維時官斯土者
兵部尙書兼都察院右都御史總督雲貴二省

等處地方軍務兼理糧餉臣富綱署雲南等處
承宣布政使司事糧儲道臣陳孝昇署雲南等
處提刑按察使司事迤西道臣楊以浚護理雲
南屯田糧儲分巡雲武地方兼管水利道印務
雲南府知府臣敦柱雲南分巡迤東道臣王祿
朋雲南分巡迤西兵備道臣楊以浚護理雲南
分巡迤南兵備道印務普洱府知府臣吳大雅
署理雲南提督印務騰越鎮總兵官臣劉之仁
署理雲南臨元激江等處總兵官臣張玉龍署

理雲南開化廣南廣西等處總兵官臣劉文忠
鎮守雲南普洱沅威景蒙等處總兵官臣永寧
鎮守雲南昭通鎮雄等處總兵官臣孝順阿署
理雲南鶴麗永北等處總兵官臣松阿里署理
雲南騰越永昌龍陵順雲等處總兵官臣哈國
祥例得備書

刑部員外郎加一級紀錄二次臣馮兆岫謹序

以清員必... 一... 二... 三... 四... 五... 六... 七... 八... 九... 十...

雲南... 欽... 欽... 欽... 欽... 欽... 欽... 欽... 欽... 欽...

欽... 欽... 欽... 欽... 欽... 欽... 欽... 欽... 欽... 欽...

欽... 欽... 欽... 欽... 欽... 欽... 欽... 欽... 欽... 欽...

乾隆伍拾玖年甲寅

恩科雲南鄉試錄

監臨官

護理雲南巡撫印務布政使費淳

提調官

督理雲南通省清軍鹽法道顏檢

監試官

雲南楚雄府知府史積容

考試官

浙江錢塘縣人
癸未進士

廣東連平州人
丁酉拔貢

順天宛平縣人
辛卯進士

刑部員外郎加一級紀錄二次馮兆响

山西代州人
庚子進士

翰林院編修加二級紀錄四次陳希曾

江西新城縣人
癸丑進士

內簾監試官

署武定直隸州事晉寧州知州王序端

正紅旗漢軍
庚辰舉人

同考試官

署澂江府新興州事曲靖府同知熊爵勳

江西安義縣人
癸未進士

署廣西直隸州知州昭通府永善縣知縣邵倫清

江蘇常熟縣人
癸未進士

雲南府 嵩明州知州周理

河南祥符縣人
辛丑進士

澂江府 江川縣知縣周召

江西南城縣人
庚子進士

署武定直隸州元謀縣事羅次縣知縣李發源

福建長汀縣人
壬申進士

雲南府 宜良縣知縣李書吉

江蘇常熟縣人
庚子舉人

廣西直隸州師宗縣知縣鄒軾

江西宜黃縣人
庚辰舉人

署麗江府麗江縣事浪穹縣知縣胡飛熊

湖南桂東縣人
甲午舉人

內收掌試卷官

署雲南府呈貢縣事安豐井大使張起汶

正白旗漢軍
監生

印卷官

代辦雲南布政使司經歷事大姚縣典史馮為霖

浙江桐鄉縣人
監生

雲南按察使司經歷司經歷陸維新

浙江錢塘縣人
監生

外收掌試卷官

楚雄府南安州知州羅才樓

湖北公安縣人貢生

受卷官

署雲南府安寧州事試用知縣楊春萃

貴州大定府人丁酉舉人

楚雄府定遠縣知縣黃楷

正紅旗漢軍辛巳進士

署雲南府南關通判事鹽庫大使李文熙

直隸任邱縣人己卯舉人

彌封官

普洱府寧洱縣知縣徐圖南

四川仁壽縣人丙子舉人

臨安府河西縣知縣劉邦殿

湖北漢陽縣人庚寅舉人

詹錄官

署雲南府同知事試用州同曾際平

廣東和平縣人丁酉拔貢

署普洱府他郎通判事試用州判汪人庚

浙江錢塘縣人庚子副榜

對讀官

臨安府阿迷州知州張行齡

山西徐溝縣人甲午副榜

臨安府建水縣知縣夏瑚

貴州貴陽府人庚辰舉人

巡察官

署普洱府分駐他郎俸滿通判李焜

湖南醴陵縣人貢生

大門稽察官

署蒙化直隸廳經歷事鎮南州吏目婁 煥

浙江山陰縣人 監生

巡緝官

署廣南府經歷事試用府經歷王立煜

安徽歙縣人 吏員

署昭通府大關廳分防驛井渡巡檢事蔡松濂劉 鑑

江蘇江寧縣人 監生

武定直隸州金沙江巡檢李廷芳

湖北江陵縣人 監生

新平縣揚武壩巡檢高 棠

順天宛平縣人 供事

寧州吏目劉人鶴

江蘇靖江縣人 監生

呈貢同縣典史胡依仁

順天宛平縣人 吏員

號舍官

署景州府巧家經歷事俸滿鎮沅直隸州吏目黃 本

鑲紅旗漢軍 監生

武定直隸州吏目高懿龍

江蘇丹徒縣人 監生

搜檢官

署雲南府羅次縣事彝良州同姚希慶

浙江慈谿縣人 監生

署澂江府路南州事副官村縣丞解士理

山西右玉縣人 監生

署建水縣曲江巡檢事俸滿易門縣典史王 詳

江西新城縣人 職員

署 峨 縣 典 史林三升

四川安岳縣人 監生

分理供事官

署永善縣副官村縣丞事試用布經歷鄭士泰

江蘇昭文縣人 監生

激江府司獄鮑士焯

順天宛平縣人吏員

彌勒縣竹園村巡檢王霖

浙江山陰縣人供事

雲龍州吏目張曾讓

安徽桐城縣人監生

晉寧州吏目陳邦元

廣東長樂縣人監生

宣威州吏目姜士安

浙江山陰縣人監生

安寧州吏目孫志銓

山東商河縣人吏員

富民縣典史周濬

江蘇武進縣人算學生

供給官

准陸雲南迤南道雲南府知府敦柱

正紅旗滿洲監生

署雲南府昆明縣事雲龍井大使許惇

福建閩縣人監生

建水縣曲江巡檢黃鶴鳴

浙江錢塘縣人監生

昆陽州吏目劉敏政

山西靈邱縣人增貢

雲南鄉試錄
 乾隆甲寅 恩科
 十一
 雲南鄉試錄
 乾隆甲寅 恩科
 十一

第壹場

四書題

子曰躬自厚而薄責於人

是以聲名洋溢乎中國

人有恆言皆曰天下國家

詩題

賦得五經無雙 得通字五言八韻

詩經

麟為五靈之靈 為靈昭昭也 詠於詩 書於春秋 繫於傳 繫於論 繫於孟 繫於詩 書 春秋 傳 論 孟 繫於詩 書 春秋 傳 論 孟

人亦曰言皆曰天不國容

是以禮名義益乎中國

言曰禮言曰義而禮義者人

四書

易經

第貳場

五經題

易經

君子以自彊不息

書經

克明俊德以親九族

詩經

躋彼公堂稱彼兕觥萬壽無疆

春秋

夏五 桓公十有四年

禮記

或以德進或以事舉或以言揚

或以德進或以事舉或以言揚

書

或以德進或以事舉或以言揚

易

或以德進或以事舉或以言揚

禮記

第叁場

策題 五道

問百家說經誠難偏攻若注疏則古義之宗也

今撮舉五經中一二大節目以問易字三義

鄭康成與周簡子所云音義俱有異同大衍

之數五十其用四十有九京房馬融荀爽鄭

康成姚信董遇及王弼七家凡六說陽爻稱

九陰爻稱六有二義文言有二解序卦何以

非作易時本意書之虞夏或分或合帝告釐

沃湯征汝鳩汝方五亡篇商書何以附夏洪
範無龜負洛書事事出何書錄費誓秦誓何
意詩國風之次夫子有所改定何據大國或
無風何故鄭譜王在豳後何義用樂有上取
下就何說禮經大者郊祀社稷七廟禘祫之
制而王肅與鄭康成不合經言大饗其別有
三鄉飲酒義兼四等鄉飲春秋經文據策書
左傳采簡牘何所分別左傳凡例何云周公
舊典夫子於舊史有改有不改何以考見恭

皇上海逢

聖天子敦崇實學試士通用五經必有仰沐
大化經術湛然可觀者其詳著於篇

問古之太學卽國學也其分之始自何時東晉
止有太學無國學其議請建立始自何人厥
後建置益多有國學外別立皇子學又立四
門小學者有詔皇族及功臣子舍於祕書外
省立小學者置國子監丞主簿等官者於國
子監別立廣文館者時代可悉數歟虞書典

樂教胄子禮記樂正教太子及適子後選周禮大司樂掌成均教官皆樂官也後世有仿其遺意者歟古者家塾黨序術序皆鄉學也秦漢以來天下學廢武帝始令郡國立學厥後有令大小郡立博士助教學生有差者詔州縣及鄉並置學者置里學者增賜郡學田大少者上中州置教授州縣及書院置學正山長聖天子學錄教諭者詔民間立社學者復可悉舉歟我

皇上壽考作人

誕敷文德自太學辟雍訖府州縣學法制修舉儒術茂焉多士其攷厥源流將以覘所學

問考課之典由來尙矣昔在唐虞諸侯則因朝試功內官則三載考績周制亦因方岳之朝黜陟諸侯而內官亦三歲大計考課所由昉也漢制以六條察二千石歲終奏事舉殿最而自時厥後法制屢更更有以考課之權歸刺舉之吏不復委任三司者作都官考課法者

請去密就簡委任達官各考所統者歲定京
官望高者二人分校京官外官考者命諸道
採訪使考課善績三年一奏者遣使黜陟天
下官者罷歲月叙遷之制非有勞不進秩者
立審官院以考京官立考課院以考外官者
命監司郡守考官吏從實批書代還時上之
者詔邊縣擇才不拘三年之制者內官三十
月外官三周歲者能悉指其時代歟若前史
所載循吏史記五人前漢書六人皆最著者

其人其政可備舉歟我

國家澄叙官方敦崇吏治凡食祿之臣皆當夙夜
靖共以無負

聖天子任人之意士子將坐言起行則吏事源流安
可不講乎其悉陳所知

問周頌豐年載歌高廩地官掌粟厥有倉人積
儲之法誠生民之大命也周禮遺人自鄉里
門關郊里野鄙縣都皆有委積以待施惠而
民無饑歲管子輕重之法李悝平糴之制亦

有可言者歟漢耿壽昌立常平倉晉咸寧隋
開皇唐貞觀宋淳化中皆踵行之隋長孫平
奏立義倉唐貞觀宋建隆元泰定中皆踵行
問之其法何如社倉之制隋唐已有朱子於乾
道四年行之崇安雖遇歉歲人不缺食能撮
其崖畧歟至和糴之名始於牛仙客以廣關
輔之糴夫糴法原以濟民自唐始以和糴充
他用至宋熙寧以後遂有博糴結糴俵糴兌
糴寄糴括糴勸糴均糴等名其行糴之地能

分舉歟白居易論和糴疏杜佑平糴論朱子
建安社倉記金華社倉記能舉其大意歟我
皇上愛養黎元首重民食

漚恩汪濊羣生霑濡是以年穀順成盈寧協慶諸生
沐浴

聖澤幸覩康衢擊壤之風其各以所知對

問輿圖廣狹代有不同唐虞五服周九服據鄭
康成禹加弼服之說則五服與九服同實能
詳述歟論服或數王畿或不數王畿能分別

歟禹貢九州堯時舊制而舜典肇爲十二厥
分若何夏周同爲九州而制有沿革厥異若
何三代後州名日增而地或不足有十三州
有十九州有二十二州有四十二州厥後有
十道有十五道有十五路有十八路有三十
二道能指其時代歟我

朝聲教四訖遐荒悉臣版圖之廣千古未有幸生
化日光天之下者不可不稽古以彰
國家之盛盡縷陳之

中式舉人五十四名

第一名那文鳳 雲南府學生

第二名鄭丕欽 鎮沅直隸州學生

第三名黃鶴齡 賓川州學生

第四名朱士楷 東川府拔貢

第五名馬應清 大理府學附生

第六名張綱 鶴慶州學生

第七名張鳳音 尋甸州學生

第八名許中清

澱江府拔貢

第九名李舒寅

晉寧州學附生

第十名段潤采

河陽縣學生

第十一名李維愷

呈貢縣學生

第十二名張奏烈

寧州學生

第十三名牛麟

東川府學附生

第十四名馬良標

尋甸州學生

第十五名王源

麗江府學生

第十六名何紹遜

石屏州學附生

第十七名王衍疇

楚雄府學生

第十八名胡之銓

大理府學候廩生

第十九名許樹基

石屏州學增生

第二十名孫子渤

景東直隸廳學增生

第二十一名楊朝鎮

石屏州學附生

第二十二名王廷弼

宜良縣學附生

第二十三名楊毓恆

大理府學生

第二十四名施理寶

河陽縣副榜

第二十五名劉桂元

阿迷州學候增生

第二十六名趙恬

元江直隸州學生

第二十七名吳鍾瑛

永北直隸廳學生

第二十八名楊秀

雲南府學生

第二十九名聶乃父

澂江府學生

第三十名黃堂

昆明縣學附生

第三十一名李植徠

路南州學生

第三十二名張根培

安寧州捐貢

第三十三名王璉

建水縣學附生

第三十四名吳朱鱗

元江直隸州學生

第三十五名馬繼賢

宜良縣學附生

第三十六名夏培謨

宜良縣學附生

第三十七名李華

宜良縣訓導

第三十八名賀錫綸

臨安府拔貢

第三十九名吳俊

泗陽縣學生

第四十名廖文揚

河陽縣學附生

第四十一名馬體健

晉寧州學生

第四十二名羅蔭恩

石屏州學生

第四十三名戴奇

石屏州學生

第四十四名趙毓玘

楚雄縣學附生

第四十五名左開南

蒙化真慧廟學附生

第四十六名陳顯熙

彌勒縣學生

第四十七名高文璠

建水縣學候廩生

第四十八名段欽

晉寧州學生

第四十九名納鳳書

河西縣學附生

第五十名楊琅

石屏州學附生

第五十一名鄒國華

雲南府學生

第五十二名胡紹瑗

鄧州州學生

第五十三名史紀周

臨安府學生

第五十四名甘岳

白鹽井學附生

中式副榜十名

第一名田光國

建水縣學生

第二名羅文袞

祿豐縣學增生

第三名李廷詔

蒙自縣學附生

第四名王璽

武定直隸州歲貢

第五名韓錫

昆明縣學附生

第六名蔣士蘭

昆明縣學附生

第七名李盛

阿迷州學生

第八名徐珮

蒙化直隸廳學附生

第九名王秩教

開化府學候廩生

第十名劉迎皓

彌勒縣學生

第十一名王璽

定安直隸州貢

第十二名李致瑞

蒙自縣學訓導

第十三名羅文容

新會縣學附生

第十四名田大國

蒙自縣學生

中左偏對士各

第壹場

四書文

子厚而薄責於人

聖人爲困於常情者訓而立一處人已之準焉夫責

已薄而責人厚人之常情也然失所以處人已之道

矣子固爲之立其準歟嘗思君子所以成已成人者

大抵超乎恆情以爲情也而要不過卽恆情所難免

之弊一易地而得善處之方以求人之心求已不足

雲南鄉試錄

雲南鄉試錄

乾隆甲寅

恩科

二十三

者期其有餘以寬已之念寬人有餘者節以不足固
有如是之重周而輕約者夫子因而示人曰渾人已
而胥忘者吾儒大公之懷也酌厚薄而適宜者吾儒
責備之道也帝王明德新民悉關乎輔相裁成之大
而由體達用先深宮而後闔里於以知本身徵民實
爲治平之要也聖賢體忠行恕亦祇將其身心性命
之微而不欲勿施先幽獨而後大廷於以知推已及
物不離宥密之原也乃吾嘗見夫薄於責已而厚於
責人者矣人情於已之所短恆姑息於無可姑息之

餘恐他人有知應共笑自鏡之不明而疎於內省人
情於人之微疵每苛繩於不必苛繩之際恐我躬不
闕亦自愧方人之多事而過於求全然則責躬安可
以不厚而責人安可以不薄哉我躬爲斯世托命之
躬卽至纖悉無虧而憂勤怵惕之懷尙難稍緩於萬
一况未必無虧乎苟不以一身難辭之責深以一時
莫解之功何以策勵維殷致吾身於欲盡理純之地
而寧得稍寬旦夕欲謝其責以旁叅斯人孰非吾與
同胞之人卽至愆尤可斥而從容樂育之量猶當曲

予以成全况未必可斥乎苟非以隱惡揚善之心舒其畜衆容民之度必至糾虔靡已阻斯人以改過自新之機而寧得刻爲譴訶致絕其人於已甚蓋人與已有相須之用焉勵已卽所以勵人而策人必由於策已內外有辨君子所以戒乎忘已而徇人厚與薄有相濟之妙焉治人必原於治已而攻已不暇於攻人緩急得宜君子所以賢乎全人而克已若是則身益修而人易從矣怨之遠矣寧符問乎

是以聲名洋溢乎中國

夫朕與神靈相感而化育之功那文鳳

至聖聲名之洋溢卽中國而已見其遠矣甚矣聲名由聖德而致也想其洋溢不已於中國而見其遠哉今夫德之流行速於置郵而傳命矧一人首出而實德播爲美譽者乎蓋實盛而名斯著實大而聲自宏卽教化久被之地以想其流行不滯之機已有非方隅之所能囿者而其規模大可觀矣民之敬信說如是是豈無故而能如是哉羣黎何意於媚茲乃感於心者形於言轉有以超乎百工之贊頌而里傳戶祝

一父可周乎萬里而遙固不徒孔邇興歌猶限於江漢汝墳之地聖主何心於稱美乃宣諸朝者播諸野轉有以勝乎史氏之揄揚而巷議街談須臾卽遍乎億姓之口又寧異四方風動已匝乎綏要侯甸之區蓋至是而至聖之聲名有不洋溢於中國者乎聖人作而萬物覩而威靈震疊天下誰敢自角其才能雖九州之遠近不同而王畿以內服其教王畿以外畏其神夫固近不厭而遠有望也故商賈相與歌於市農夫相與怵於野欣欣然咏嘆流連若欲傳聖德於

齒頰而齒頰彌覺其芳馨試問侯伯子男之邦有不導揚盛治者乎又寧止於邦畿千里也哉一人慶而萬國寧而聲教宣揚億兆不自爲其風氣雖五方之遠邇有異而四達之餘昭不悖百出之際見無窮夫固邇不遺而遠不禦也故東西不僅於漸被南朔不僅於暨訖渾渾然彌綸布濩實難辨何人之稱揚而稱揚不見其隔閼試問伯叔甥舅之邦有不嘉美聖功者乎不已見其衆口同詞也哉蓋洋溢取義於氣有動盪無方充塞無窮之象焉乃衆庶之咏歌竟無

殊於太和之鼓吹於以知至聖之聲名猶是至聖之
溥博所一發而莫遏者也夫誰得而量之且洋溢取
義於水有滌涸不滯浩瀚無涯之象焉乃萬民之戴
德竟無異於百谷之朝宗然後知至聖之聲名猶是
至聖之淵泉所既滿而自流者也又誰得而測之况
由中國而進推之更有無遠弗届者乎

人有恆言皆曰天下國家

那文鳳

述天下國家之語人言僅得其畧也蓋天下國家自

有可以會通者僅述人言豈遂觀其深哉且夫立言
者必得諸心而形諸口斯其說爲有據而不留缺陷
之端乃言之者徒傳其辭而不深維其意無惑乎畧
舉數端猶是得其半而未得其全也雖衆口同詞究
何補於實際耶今夫積家而成國積國而成天下此
亦寧俟頌言哉典謨爲經世之冊而九族百姓不聞
渾同於萬邦則聖訓可稽夫豈等於巷議街談僅憑
泛泛悠悠之口大學爲垂訓之書而齊治均平祇屬
新民之事業則聖經可考又豈等於隨聲附和徒爲

有名無實之詞乃人之恆言則有不然者言天下必
有所以明乎天下之故而後國可以類推不謂習焉
不察者竟渾而舉之則昧乎天下之爲天下安得不
昧乎國之爲國也且言國必有所以明乎國之理而
後家可以引伸不謂言不盡意者竟概而指之則不
審夫國之爲國安得更審夫家之爲家也其所言者
何皆曰天下國家且天下何以遠於國國何以遠於
家此中豈無可以靜會之處而人究莫知會也但嘖
嘖以同聲卽問諸言之者彼亦茫然而莫知其故家

何以近於國國何以近於天下此中寧無所以明辨
之真而人究莫知辨也但藉藉以相傳卽質諸言之
者彼亦冥然而莫喻其幾然邇言已寓乎至理雖屬
舍而不露而旁通觸類正可於人言而一致其深思
援論貴有其會通雖屬統而不分而默悟詳參又豈
因人言而僅得諸大概蓋天下國家各有其本而要
皆本於修身也修身不誠要哉

詩

賦得五經無雙

得通字五言八韻

明經推許慎奚翅說文工奧義資蒐討微言藉

貫通藝林誰皓首學藪爾青銅價或龍門重羣

應虎觀空翺翹毛大小弁冕漢西東孰謂書生

業而無國士風得夔諸子外脫穎百家中

聖代崇儒術菑畬歲乃豐

第貳場

五經

易經文

君子以自彊不息

鄭丕欽

不息由於自彊君子亦天行而已夫不能自彊則幾

乎息矣君子不然不猶是一天行哉此法天之極功

也且自太和保合而後而性命於以各正是人固各

具一天也顧人各具一天而不能體天之功以為功

是流行者在天而不在吾心矣其何以徵崇效之能

事耶如天行固健矣夫健行者即不息也日往月來

月往日來循環無端其無幾微之或停者即其予人

以當效者也寒往暑來暑往寒來推遷無定其無斯
須之或間者卽其予人以可法者也不觀君子乎自
彊不息非以之乎吾心不滯之機隱然與二氣相通
特私有以壅之遂覺委靡不振不能泯其絕續之形
縱使起而有功而已非復无妄之真矣君子知之嚴
視聽於非禮凜觀聞於未兆力去其私祇覺克念之
常勝不二不雜以是爲後天而奉若也已我心通復
之妙顯然與大化爲運特欲有以蔽之遂覺昏憤多
阻不能泯其離合之迹縱使輟而忽作而已非復誠

一之本矣君子知之且明深其內省袞影慎於獨知
嚴以遏欲祇覺天理之常存無怠無荒以是爲與天
而同流也已故就將不間須臾緝熙昭於宥密天
行終古此健君子亦終身此彊也由是業日臻於純
粹德日進於高明天心無一日或息君子亦無時或
息也此體天之學也後之君子可不知所法哉

書經文

克明俊德以親九族

黃鶴齡

帝德克明先於九族驗所施焉夫德之所及不止見於九族也然既有以明之則親族不有其基哉且皇躬爲萬化之原而門內實起化之地則端本善則要必性量之極其純者始可以庇其本根而無難吾於是穆然於堯矣堯之欽明文思恭讓皆德也德雖人所同具而非有以全之則本量未優何以爲敷施之準德雖人所共稟而非有以葆之則全體不備何以爲作則之原乃吾觀於堯則見其德本甚俊也惟堯爲克明之矣人惟私有所蔽則固有之良已窒堯之

萬彙俱澄其無一私之或雜者卽無時不著其高朗者也性量所含夫何所形其狹隘人惟欲有所昏則本然之真已昧堯之一真自如其無有欲之或淆者卽無有稍形其缺陷者也性本所蘊夫何在不徵其渾全明德如是而德之所及寧有量哉顧論至德所覃敷則遠無弗屆似不必徒敦乎一本而論大化所由昭則遠必自邇未必不先見於宮廷言有九族堯蓋本德以親之矣九族本一體之分原不可稍鄰於濶畧堯既有德以篤之則凡在天潢罔不恩明而誼

美而同好棄惡固未有親者或失其爲親也矣九族
本一性之誼原不可稍涉於乖違堯既有德以聯之
則屬在子姓無不敦倫而飭紀而欲富欲貴又已覺
親者咸樂其爲親也矣以親九族不已見堯德所暨
之盛而九族寧有不睦者哉然而猶不止此也

詩經文

躋彼公堂稱彼兕觥萬壽無疆

朱士楷

豳民之祝君禮質而意真矣夫躋堂稱觥禮至質也

祝之曰萬壽無疆其意抑何真乎且夫人每謂民之
於君其勢恆不相及耳而不知簡易之世草野之與
君公不惟不滋潤畧之形而且得致無已之愛古我
先公固可歌而可咏也豳民之朋酒羔羊將何爲哉
將謂欲伸款洽之情則平日所與往來者只此比閭
之間耳至君門萬里蓋可望而不可卽也謂是欲致
敦睦之好則朝夕所與酬酢者只此至伯之屬耳至
我后尊嚴蓋可畏而不可犯也若然豳民雖有至愛
之心綢繆之隱亦安得向我公而申其悃忱哉然而

豳民大有意也第見父老子弟踵相接趾相連咸率而躋焉者則公堂也此執爵彼執醕羣附而稱焉者則兕觥也噫民之於君不已見情之至乎雖然未已也豈民之詣公將以致祝也其祝維何則曰萬壽無疆天下惟壽非數所可倖邀豳民乃取而期之於君不幾於愚乎而非愚也彼蓋曰衣食之計皆吾君宿吓之所經營者也一時蒙其體猶於百年享其樂私心冀倖竊願我公長坐我公堂永爲吾儕衣食之主焉而壽考維祺之咏有不覺其情之倍摯者耳天下

惟壽非人所能力爭豳民乃取而屬之於君不幾於妄乎而非妄也彼蓋曰農桑之利皆吾君深宮之所籌畫者也一身食其德更欲子孫服其疇寸衷所結竊願我公長飲此兕觥永爲我民農桑之計焉而永錫難老之祝有不覺其意之彌切者耳豳民之躋堂稱兕以祝壽如是豈非禮質而意真哉

春秋文

天子夏五

桓公十有四年

許中清

經仍夏五之文聖人之慎也此夏五之文必有闕也
夫子仍之不可以見其慎乎且天下有不解之疑夫
豈不賴後人之闡而明哉然非實有所見則以一時
之臆斷而失其真轉不若仍古人之舊文而存其跡
矣若是者吾於夏五見之夫夏居四時之中夏之義
固無可疑矣言夏而繼之以五則微文所繫知必有
未盡之蘊五爲王者之數五之義固無可議矣言五
而冠之以夏則舛錯難憑何者爲可據之端今夫古
今之著述至不一矣留傳既久豈無一二歸於淪落

者然一經措紳先生相與講明而論定之則斷簡殘
編亦未必不有完書况吾夫子二百四十年之間筆
則筆削則削一字之褒榮於華袞一字之貶威於斧
鉞經爾日之纂修卽以作後世之龜鑒則其於夏五
之文謂其無關於紀載刪之可也謂其可參以義類
益之可也何爲披其文旣不同於出庚華黍之無句
考其例復不同於書時紀日之可稽而必因而仍之
也何居蓋以古人遺書貴乎善解不貴滋惑也恃一
己之聰明以相爲附會則一事而近於誣卽全書皆

無足據故雖無可解亦姑以不解解之以俟後人之
參考焉耳况乎史衷實錄所以傳信非以傳疑也逞
一時之意見以妄爲穿鑿則當日旣無明証卽萬世
安有折衷故雖有可疑亦姑以疑傳疑以俟深知者
之訂定焉耳闕而不益聖人之慎如是以是爲一事
之不滋其僞猶之淺也以是爲正性命之理而養人
心之直其源則甚深矣後之論古者其亦以夫子爲
法哉

禮記文

或以德進或以事舉或以言揚

段濶采

士類不一當廣其途以爲用焉夫德與事言皆賢才
也進之舉之揚之豈拘於一格乎今夫國家之需人
甚殷而天下之全材無幾倘必執求備之心而刻以
相繩則得此遺彼其所簡棄者固已多矣然則取歛
之道當何如哉今夫造就所至得其一端皆足有功
於朝廷而甄別之權苟有足錄要不必過爲其刻覈
是故才不必與衆爭長而獨勵媵修者德也求志於

草茅豈其自甘於廢置從而進之以効心腎則啓沃可資以任賓師則儀型可表縱令外無可觀而準以三德六德之訓則固未可任其伏處也此以德進者固或有之若夫學未必底於深潛而自喜恢宏者事也抱負之非凡未必不思夫建樹從而舉之以任兵農則經野有法以効錢穀則理財有方縱令別無表見而持以廉善廉能之準則亦未可任其淪落也此以事舉者亦或有之至若理不必其有得於心行不必其有濟於時而議論可風者言也吐屬之維工豈

其不堪於採納從而揚之持論於大廷則簡而有體應對乎賓客則婉而多風縱令他無所長而卽此有脊有倫之美則亦未可任其遺佚也此以言揚者亦或有之由是而知功名之不可濫邀也懋德與事與言以爲程而倖入者寡矣且知人才之可自奮也卽進與舉與揚以爲招而見棄者亦少矣語於郊者其可忽諸

第叁場

策 五道

第一問

那文鳳

經學之重於天下也尙矣然經學非注疏無以
昌明其義故百家之說雖難徧攷而注疏爲古
義之宗誠不難以悉攷也易字三義鄭康成以
易簡變易不易爲言周簡子則又以易者易不
易變易爲論大衍之數五十其用四十有九京
房馬融等七家凡六說謂十日十二辰二十八
其不用者天之生氣京房之論也謂易有

太極由太極而生兩義日月四時五行十二月
二十四氣而北辰居位不動其餘四十九轉運
爲用者馬融之論也謂卦各有六爻加乾坤二
用凡有五十乾初九潛龍勿用故用四十九者
荀說也謂天地之數五十有五由五行減五大
衍又減一故四十九者鄭說也至姚董則云天
地之數五十有五者其六以象六畫之數故減
之而用四十九王弼則云演天地之數所賴者
五十其用四十有九則其一不同也陽爻稱九

陰爻稱六陽得兼陰陰不得兼陽二者老陽數九老陰數六也文言有謂以乾坤德大故特文飾爲言者有謂釋二卦經文者序卦據孔疏所論則韓康伯所云因卦之次託象以明義蓋不虛矣書之虞夏或分或合馬融鄭康成王肅皆曰虞夏書孔安國則虞夏別題帝告釐沃湯征汝鳩汝方五亡篇以商書附夏孔疏詳之矣洪範無龜負洛書事則出於中候諸緯書也錄費誓秦誓者孔傳云以魯有治戎征討之備秦有

悔過自誓之戒足爲世法詩國風之次夫子有所改定者孔疏云諸國之次當是太師所第孔子或亦改張左傳魯爲季札歌周樂齊之下卽歌豳歌秦然後歌魏大國或無風者或時不作詩或有而不足錄鄭譜王在豳後者孔疏云退就雅頌並言王世故耳用樂有上取下就者饗賓或上取燕或下就也禮經大者郊祀社稷七廟禘祫之制而王肅與鄭康成不合郊祀則王謂天無二體鄭謂天有六名王謂郊與圜丘是

一鄭謂郊用正月圓丘用冬至社稷則王以爲
句龍后稷鄭以爲地神七廟則王謂天子皆七
廟其中不數文武而以高祖之父祖廟爲二祧
鄭謂唯周有七廟而其中以文武爲二祧禘祫
則王謂禘大於祫鄭謂祫大於禘並詳孔疏經
言大饗有三種曲禮是祭五帝禮器是祫祭郊
特牲是饗諸侯並見鄭注鄉飲酒義兼四等鄉
飲一鄉大夫賓賢能二鄉大夫飲國中賢者三
州長習射飲酒四黨正蠟祭飲酒春秋經文據

策書左傳采簡牘單執一札爲簡連編諸簡爲
策也左傳凡例云周公舊典蓋本韓子所見而
言也夫子於舊史有改有不改如莊七年星震
如雨是改舊史者昭十二年齊高偃帥師納北
燕伯於陽是不改舊史者恭逢

聖天子敦崇實學試士例用五經生等仰沐
大化忝列儒林敢不陳所知以對

第二問

那文鳳

從來學校之設所以保其仁義禮智之性而敦其君臣父子之倫也蓋天能生人而不能教人天必命之以爲萬姓之君師自一人不能以獨理始分教化之任於天下故王宮國都以及閭巷皆立學校而申之以孝弟之義焉人生八歲自王公以下至於庶人之子弟咸入小學其教則灑掃應對進退之節禮樂射御書數之文也迨夫十有五年則自天子之元子衆子以及公大夫元士之適子

與凡民之俊秀皆入大學而教之以窮理正心修己治人之道焉此學校之設古今無異也然其制則代各不同古之太學卽國學也其分之始於晉咸寧二年東晉止有太學無國學其議請建立之年太元九年也其議請建立之人則謝石也厥後建置益多有國學外別立皇子學又立四門小學者後魏也有詔皇族及功臣子弟於秘書外省立小學者唐武德初也置國子監丞主簿等官者唐龍朔二年也於國子監別

立廣文館者唐天寶九年也時代固可悉數矣
至於虞書典樂教胄子禮記樂正教太子及適
子俊選周禮大司樂掌成均教官皆樂官也後
世有仿其遺意者以國學隸太常是也古者家
有塾黨有序術有序皆鄉學也秦漢以來天下
學廢武帝始令郡國立學厥後有令大小郡立
博士助教學生有差者後魏獻文帝也詔州縣
及鄉並置學者唐武德七年也置里學者開元
也增賜郡學田者宋仁宗也上中州置教授州

縣及書院置學正山長學錄教諭者元也詔民
間立社學者明洪武也不亦在在可稽哉蓋歷
代之制不同而其所以設教之意無非欲人之
明善復初敦仁讓之風而昌教化於天下也恭
逢

聖天子壽考作人舉世咸沾樸樸之化

誕敷文德斯人孰無來格之誠不更爲千古之所未
有者哉

第三問

那文鳳

嘗思考課之典先王所以嚴有位而儆曠官也
蓋人情莫不勤於始而怠於終當夫分職授官
量能授政之餘受其任者孰不思鞠躬盡瘁以
報答君恩迨夫年久而玩愒滋生鮮有不貽尸
位素餐之誚者此先王所以嚴爲考課欲令其
敬畏日生同心協力而共襄厥事也故天子有
巡狩之典諸侯有述職之文賞地黜爵卽在適
國入疆之初敷言試功卽在肆類明禋之後至

於內官則或三載考績或三歲大計此唐虞三
代考課所由昉也漢制以六條察二千石歲終
奏事舉殿最而白時厥後法制屢更有以考課
之權歸刺舉之吏不復委任三司者光武也作
都官考課法者魏明帝也請去密就簡委任達
官各考所統者晉杜預也歲定京官望高者二
八分校京官外官考者唐貞觀初年也命諸道
採訪使考課善績三年一奏者唐開元二十五
年也遣使黜陟天下官者唐貞觀龍朔神龍開

元天寶至德建中並行之罷歲月叙遷之制非
有勞不進秩者宋太祖也立審官院以考京官
立考課院以考外官者宋太宗也令監司郡守
考官吏從實批書代還時上之者宋乾道三年
也詔邊縣擇才不拘三年之制者宋寧宗也內
官三十月外官三周歲者元也其時代何難詳
述歟若前史所載循吏史記五人孫叔敖三日
復市子產道不拾遺公儀休不與民爭利石奢
縱父請誅李離過殺伏劍是也前漢書六人黃

霸寬和朱邑恤老王成益戶龔遂勸耕文翁興
學信臣務農是也若此非其最著者歟我

皇上敦崇吏治恆加意於課績之年澄叙官方更留
心於報政之日法不必其過嚴而感

隆恩者自効其力情無期於太恕而戴
至德者自盡其忠豈非寬嚴並用黜陟協宜而爲古
來考課之典所未及者哉

第四問

那文鳳

嘗思民以食爲天則積儲之法誠生民之大命也如管子輕重之法李悝平糴之制誠有可攷者管子曰某縣之壤廣狹若干則必積委幣於是縣州里受公錢秋國穀去三之一君下令謂郡縣屬大夫里邑皆藉粟入若干穀重一也以藏於上者國穀三分則二分在上矣楊倞註言先貯幣於邑縣當秋時下令收糴也李悝曰善平糴者必謹觀歲有上中下熟上熟其收自四餘四百石中熟自三餘三百石下熟自倍餘百

石小饑則收百石中饑七十石大饑三十石至若漢耿壽昌立常平倉大司農中丞耿壽昌白令邊郡皆築倉以穀賤時增其價而糴以利農穀貴時減價而糴以贍貧民名曰常平倉民便之晉咸寧二年九月丁未起太倉於城東常平倉於東西市隋開皇三年議備水旱詔於蒲陝等十三州募運米丁衛州置黎陽倉洛州置河陽倉陝州置常平倉華州置廣通倉至於唐貞觀十三年詔於洛相幽徐齊并秦蒲州置常平

倉粟藏九年米藏五年下濕之地粟藏五年米
藏三年皆著於令宋淳化三年詔置常平倉命
常參官顧之歲熟增價以糴歲歉減價以糴用
賑貧民復舊制也隋開皇五年長孫平奏立義
倉唐貞觀中戴胄奏立義倉太宗善之宋建隆
四年令諸州於屬縣各置義倉元泰定二年建
治義倉此皆踵而行之者也至於社倉之制始
於隋唐宋朱子於乾道四年請於郡得粟六百
萬斛賑民於是崇安雖遇歉歲而人不缺食至

和糴之法始於牛仙客者唐貞觀開元後緣邊
數十州戍重兵營田及地租不足供軍於是初
有和糴牛仙客爲相有彭果者獻策廣關輔之
糴京師糧廩益羨夫糴之名不同博糴於河北
結糴於熙河俵糴於緣邊兌糴於淮南寄糴於
瀛定括糴於並邊勸糴均糴於陝西若夫白居
易論和糴疏杜佑平糴論朱子建安社倉記金
華社倉記皆有益於民生者也我

皇上愛養黎元首重民食萬方誰不慶大有而歌豐

年也哉

第五問

那文鳳

王者宅中圖大千萬國之河山盡入版圖故八
荒以外六合以內無非王者所臨御之地而同
文同軌之風合遠近而歸於一致也然其區畫
井疆自無或夾雖東西南朔地各不同一自主
者分其界限而侯甸要荒初何異於日月星辰
之布列知天文之莫淆卽知地理之各別也然

其廣狹代有不同而所以不同者雖古今之命
名有異制度多殊亦輿圖之日開日闢愈增愈
廣有非前制之所能限者實難概以一轍也唐
虞五服周九服據鄭康成禹加弼服之說則五
服與九服同實鄭云五服服別五百里是堯舊
制及禹弼之每服之間更增五百里而五千里
相距爲方萬里論服或數王畿或不數王畿者
禹貢五服數王畿周九服不數王畿也禹貢九
州堯時之制至舜肇爲十二固自有辨也禹貢

九州冀哀青徐揚荆豫梁雍舜分冀爲幽并分
青爲營故有十二州也夏周同爲九州而制有
沿革者爾雅九州無青有營先儒以爲夏法周
職方九州則無徐梁而有幽并也三代後州名
日增而地或不足有十三州者漢也有十九州
者晉也有二十二州者劉宋也有四十二州者
陳也厥後有十道者唐貞觀也有十五道者唐
開元也有十五路有十八路者宋至道分十五
後增十八也有三十二道者元也其時代不歷

歷可攷歟蓋制度不必其從同而版圖益見其
日廓其或沿或革者適如其可沿可革之常而
初非有所作意於其間也我

國家聲教四訖澤徧遐方雖寄象鞮譯無不來享
而來王鑿齒雕題罔不入朝而入貢洵哉普天
之下莫非王土率土之濱莫非王臣也版圖之
日增日廣者至此而極不亦爲千古之未有也
哉生等幸生

化日光天之下樂觀含哺鼓腹之風寧以僻處遠方

而忘瞻雲就日之情乎

雲南鄉試錄後序

乾隆五十九年甲寅

恩科鄉試屆期禮臣以雲南考官請得

旨命臣陳希曾貳臣馮兆响往典試事伏念臣豫章

末學款啟寡聞去歲禮闈獲雋對策

大廷荷蒙

聖恩以一甲第三人拔置詞垣甫及一年遽膺文柄

臣聞

命之下休惕悚惶深懼弗克稱職以上負

聖天子委任責成之至意謹卽星馳就道如期抵滇
旣入闈借臣兆岫率諸同考官悉心甄校取士
如額茲擇其詩文之近理而不悖於法者十有
四首恭呈

御覽而臣退而思曰國家以制科取士欲得通明端
慤高識博學之才而用之也而制藝代聖賢立
言其體博其用閎自綱常倫紀之大以至名物
度數之繁覃精殫思具有條理儒者學聖賢之
學卽志聖賢之志言聖賢之言卽心聖賢之心

觀其文以知其人已若燭照數計而龜卜矣而
又試以詩律以驗其心氣之和平試以五經以
徵其援引之博洽試以策對以肆其上觀千古
下觀千古之議論誠得人以應是選值大比而
賓興爲先資之拜獻名儒名臣胥由是出我

朝治化翔洽文德誕敷

皇上屢申清真雅正之訓以廣厲學官溥海內外莫
不爭自洗濯靡然向風滇南雖遠在天末而聲
教所漸蒸蒸日上變棄瑕而取瑜拔十而得五彬

彬乎大雅之嗣音矣抑臣又聞之文辭藝也道
德實也舍其實而徒以藝鳴則本實先撥枝葉
雖茂奚取焉敦品厲行臣尤願與多士共勗之
翰林院編修臣陳希曾謹序



